

СВЯТИТЕЛЬ

ФИЛАРЕТ

МИТРОПОЛИТ
МОСКОВСКИЙ
И КОЛОМЕНСКИЙ



СЛУЖБА
ЖИТИЕ

Сборник

**Святитель Филарет, митрополит
Московский и Коломенский,
чудотворец. Служба, житие**

«Московское Троицкое Подворье Свято-Троицкой
Сергиевой Лавры Русской Православной Церкви»

2004

УДК 27-528
ББК 86.372

Сборник

Святитель Филарет, митрополит Московский и Коломенский, чудотворец. Служба, житие / Сборник — «Московское Троицкое Подворье Свято-Троицкой Сергиевой Лавры Русской Православной Церкви», 2004

ISBN 5-7789-0187-9

Великий угодник Божий и богомудрый учитель Церкви Русской святитель Филарет проходил свое земное служение во времена, когда держава Российская, подвергшись немалым испытаниям, переживала тяжкие нестроения в своем духовном развитии. В век умственного брожения, в век сильных и разнообразных нападков на Церковь Святитель сумел отразить дерзкие посягательства на родное Православие, сумел защитить веру и Церковь. Более полувека, в царствования трех императоров, продолжалось церковное служение Святителя. В своих многочисленных сочинениях он в полноте выразил истины Православия; в своем долголетнем служении в архиерейском сане он непрестанным трудом укреплял основы церковной жизни; в своем аскетическом подвиге он продолжил традиции православного иночества, традиции вселенских святителей Василия Великого, Григория Богослова и Иоанна Златоустого.

УДК 27-528
ББК 86.372

ISBN 5-7789-0187-9

© Сборник, 2004

© Московское Троицкое Подворье
Свято-Троицкой Сергиевой Лавры
Русской Православной Церкви, 2004

Содержание

Служба святителю Филарету, митрополиту Московскому и Коломенскому, чудотворцу	7
Конец ознакомительного фрагмента.	12

Святитель Филарет (Дроздов) Митрополит Московский Служба. Житие



По благословению Святейшего Патриарха Московского и всея Руси АЛЕКСИЯ II

Служба святителю Филарету, митрополиту Московскому и Коломенскому, чудотворцу

Память его совершается 19 ноября¹

На малей вечерни

На Господи, возвах: стихиры на 4, глас 1.

Подобен: Небесных чинов:

От юности пристанища немятежного взыскал еси,/ в многмятежном мире пребывая,
свiate Филарете,/ и суеты земныя молитвою избегл еси./ Во святителях монашески пожив,/ в
монасах архиерей изряден был еси,/ моли о всех, любовию блажащих тя.

Тайну являшагося Бога проповедуя/ и священные книги изъясняя,/ свiate Филарете,/ сло-
вом Божиим насыщал еси люди алчущия,/ да познают Истину/ и уразумеют, яко благ Господь.

Годину гнева будущего о отечестве нашем/ дарова тебе Господь предзрети, святителю
Филарете,/ сего ради, скорбный плач подъем,/ веру крепку в милосердие Господне о России
хранил еси,/ и ныне у Престола Божия/ усердно молишися о спасении ея.

Духом провидел еси, святителю Филарете,/ будущая Земли Российския,/ мраком объятая
и браней исполненная,/ и за преумножение беззакония любви умаленная,/ темже молился еси
усердно/ вере Православней непоколебимей пребывать.

Слава, глас 6:

Филарета Милостиваго подражателя,/ всея Руси молитвенника,/ святых подвижников
собеседника,/ сирот Серафимовых заступника,/ старцев Оптинских покровителя,/ скитов и
обителей устроителя,/ учителей учителя, царей наставника,/ Ангелов сликовника во Царствии
Небеснем,/ архиерея Божия Филарета досточуднаго,/ приидите, братие, восхвалим священо-
лепно.

И ныне, Богородичен:

Богородице, Ты еси Лоза истинная:

На стиховне стихиры, глас 7:

Преподобным подвиги твоими уподобился еси,/ чудотворцем древним – благодатию,/ у-
чителем вселенским – богомудрием,/ первосвятителем Московским – правлением правым,/ Филарете приснославный.

Стих: Священники Твои облекутся в правду/ и преподобнии Твои возрадуются.

Простецем отец милосердный был еси,/ пастырем – архипастырь истинный,/ иноком –
авва богомудрый,/ святителем – образ веры и благочестия,/ Филарете благоискусный.

Стих: Блажен муж, бояйся Господа,/ в заповедех Его восхощет зело.

При трех земных царех святительствова,./ единому же Царю Небесному служил еси,/ славу человеческую ни во чтоже вменяя,/ иго Христово преславно понесл еси,/ Филарете небо-
течный.

¹ 2 декабря по новому стилю.

Слава, глас 8:

Украшение Церкви Христовы/ и Российских святых похвалу,/ прославляем тя днесь, святителю Филарете,/ и молим усердно:/ яко предстоиши у Престола Небесного Царя/ и дерзновенное ходатайство имаши,/ моли спастися душам нашим.

И ныне, Богородичен, глас тойже.

Подобен: О, преславного чудесе:

О, преславного чудесе!/ Небесе и земли Царица,/ от святых сродников наших умоляемая,/ до ныне Землю Русскую покрывает/ и лика Своего изображении милостивно обогащает./ О, Владычице Державная!/ Не престани и на будущее время/ во утверждение на Руси Православия/ милости и чудеса изливати до века. Аминь.

Тропарь, глас 4:

Духа Святого благодать стяжав,/ богомудре святителю Филарете,/ истину и правду разумом просвещенным/ людем проповедал еси,/ мир и милость сердцем умиленным/ страждущим явил еси,/ яко учитель веры и страж неусыпный/ паству российскую жезлом правости сохранил еси./ Сего ради дерзновение ко Христу Богу имея,/ моли даровати Церкви утверждение/ и душам нашим спасение.

На велицей вечерни

На Господи, воззвах: стихиры, глас 6:

Днесь благодать Святого Духа нас собра,/ с ликом Ангельским и собором Московских святителей/ праздновати память Филарета достохвального,/ той бо молит дерзновенно о Церкви Российстей,/ во еже в мире и благостоянии ей быти/ и спастися душам нашим.

Ины стихиры, глас 2:

Архиерею блаженне Петре,/ подвиги и мощами твоими первопрестольный град Москву освятивый,/ прииди с нами ныне,/ да воспоим Филарета святителя,/ иже наследова ти преславно/ и явися Церкви наша похвала и утверждение.

Лики празднующих возглави ныне, святителю Алексие,/ да воспоим Филарета достославного,/ иже от гроба твоего клобук приемый,/ труды многими тебе уподобися/ и явися Церкви наша похвала и утверждение.

От Господа избранный/ и собором утвержденный/ пасти народ Московский,/ Иона благославный/ днесь славословит с нами/ премудра Филарета,/ упасша Церковь Русскую/ и ей во всем славна являшася,/ яко похвала и утверждение.

Премудрость книжную возлюбивый/ и собор святых русских прославивый,/ святителю чудный Макарие,/ восхвали ныне труды и подвиги Филарета богомудрого,/ яко Церкви наша похвалу и утверждение.

Пастырю добрый Филиппе,/ со дерзновением пред царем правду глаголавый,/ возрадуйся днесь с нами/ торжеству Филарета богоревнивого,/ егоже укреплял еси молитвами твоими,/ да явится Церкви нашей похвала и утверждение.

Первый от патриархов Российских,/ Иове многомолитвенный,/ призри днесь на празднество наше,/ еже творим в память Филарета,/ яко иерарха пречудного/ и Церкви наша похвалы и утверждения.

Патриарший подвиг страданьми увенчавша,/ Ермогена славного призовем молитвенно,/ да купно с ним инаго печальника земли нашея,/ Филарета любосмиренна достойно почтим,/ яко Церкви Российския похвалу и утверждение.

Слава, глас 8:

О пречудный святителю Филарете,/ аввы Сергия учениче верный,/ Лавры Троицкия усердный попечителю,/ святителя Иннокентия, апостолом равночестна, покровителю,/ преподобного Антония сотаинниче,/ Серафима досточудного почитателю/ и всех, прибегающих к тебе, крепкий заступниче,/ моли спастися душам нашим.

И ныне, Богородичен:

Царь Небесный:

Таже вход. Прокимен дне. И чтения.

К Тимофею Послания святого апостола Павла чтение

(зачала 297–298; глава 3, стих 16 – глава 4, стих 8):

Чадо Тимофее!/ Всяко Писание богодухновенно и полезно есть ко учению,/ ко обличению, ко исправлению, к наказанию еже в правде,/ да совершен будет Божий человек,/ на всякое дело благое уготован./ Засвидетельствую убо аз пред Богом и Господем нашим Иисус Христом,/ хотящим судити живым и мертвым в явлении Его и Царствии Его./ Проповедуй слово,/ настой благовременне и безвременне,/ обличи, запрети, умоли со всяким долготерпением и учением./ Будет бо время,/ егда здраваго учения не послушают,/ но по своим похотех изберут себе учителя, чешими слухом;/ и от истины слух отвратят и к баснем уклонятся./ Ты же трезвися о всем,/ злопостражди, дело сотвори благовестника,/ служение твое известно сотвори./ Аз бо уже жрен бываю/ и время моего отшествия наста./ Подвигом добрым подвизахся,/ течение скончах, веру соблюдох,/ прочее убо соблюдается мне венец правды,/ егоже воздаст ми Господь в день он, Праведный Судия,/ не токмо же мне,/ но и всем возлюбльшим явление Его.

Ко Ефесею Послания святого апостола Павла чтение

(зачало 233; глава 6, стихи 10–17):

Братие!/ Возмогайте во Господе и в державе крепости Его:/ облецытесь во вся оружия Божия,/ яко возможи вам стати противу кознем диавольским,/ яко несть наша брань к крови и плоти,/ но к началом и ко властем и к миродержителем тьмы века сего,/ к духовом злобы поднебесным./ Сего ради примите вся оружия Божия,/ да возможете противитися в день лют и вся содеавше стати./ Станите убо препоясани чресла ваша истиною,/ и оболкшесь в броня правды,/ и обувше нозе во уготовление благовествования мира;/ над всеми же восприимше щит веры,/ в нем же возможете вся стрелы лукаваго разжженныя угасити,/ и шлем спасения восприимите,/ и меч духовный, иже есть глагол Божий.

Ко Ефесею Послания святого апостола Павла чтение

(зачало 232 от полу; глава 6, стихи 1–9):

Чада!/ Послушайте своих родитей лей о Господе,/ сие бо есть праведно./ Чти отца твоего и мать,/ яже есть заповедь первая во обетовании,/ да благо ти будет, и будещи долголетен на земли./ И отцы, не раздражайте чад своих,/ но воспитывайте их в наказании и учении Господни./ Раби, послушайте господий своих по плоти со страхом и трепетом,/ в простоте сердца

вашего, якоже и Христа,/ не пред очима точию работающе, яко человекоугодницы,/ но якоже раби Христовы,/ творяще волю Божию от души,/ со благоразумием служаще, якоже Господу, а не яко человеком,/ ведяще, яко кийждо, еже аще сотворит благое,/ сие приимет от Господа, аще раб, аще свободь./ И господие, таяжде творите к ним,/ послабляюще им прещения,/ ведуще, яко и вам самим и тем Господь есть на Небесех,/ и обинования лица несть у Него.

На литии стихиры, глас 8:

О, благоутробия Божия неизреченнаго,/ о, человеколюбия неизглаголаннаго:/ яви бо нам Господь святителя чудна, Филарета велемудреннаго,/ молитвенника и печальника,/ судию и провидца,/ книжника и ветию,/ чудотворца и праведника,/ да спасутся вси,/ иже спасения чают.

Якоже патриархом древним иногда,/ век долгий дарова ти Господь, святителю Филарете,/ еже о гресех народа плакати,/ о царех молитися,/ о славе отечества Бога хвалити,/ кормилом церковным мудро правити,/ падших воздвизати к покаянию,/ суд праведный творити,/ да спасутся вси,/ иже спасения чают.

Иже платоновым многомудрием не прельстивыйся,/ инаго Платона, архиерея славна,/ ученик явился еси, богомудре Филарете,/ не суетумудрием мирским прославився,/ но смиренномудренно Христу и людям послужил еси,/ да спасутся вси,/ иже спасения чают.

Слава, глас тойже:

Яко преемник апостольский,/ во благовестии Христове добре потрудился еси, святителю,/ еже изложить слово Божие/ и писания святых отец российской речию,/ удобь разумеваемою людьми земли нашея,/ и правила веры и благочестия начертал еси,/ верным утверждение подавая/ и заблуждшим путь к покаянию указуя,/ да спасутся вси,/ иже спасения чают.

**И ныне, Богородичен: Владычице, приими молитвы раб Твоих:
На стиховне стихиры, глас 2.**

Подобен: Доме Евфрафов:

Сосуде избранный,/ слезами омытый,/ благодати и милости,/ яко мира исполненный,/ Филарете, святителю премудрый.

Стих: Восхвалятся праведнии во славе/ и возрадуются на ложах своих.

Око умное Церкви,/ светом истины/ преславно возсиявшее,/ столпе богомыслия,/ Филарете, избранниче Христов.

Стих: Священницы Твои оденуты в правду/ и преподобнии Твои возрадуются.

Царя Небеснаго архитектон изрядный,/ царей земных поборниче,/ труба золотая богословия,/ уста благочестия,/ Филарете святителю прехвальный.

Слава, глас 8:

Днесь Коломна именитая,/ возрадившая тя,/ благочестием твоим хвалится,/ днесь обитель Троицы Живоначальная,/ обретши мощи твои, яко сокровище пребогатое, ликует,/ днесь Москва первопрестольная святительство твое величает,/ днесь Русь святая празднует светлую честную память твою, Филарете, святителю достохвальный.

И ныне, Богородичен:

Безвестная Дево:

Тропарь, глас 4:

Духа Святого благодать стяжав,/ богомудре святителю Филарете,/ истину и правду разумом просвещенным/ людем проповедал еси,/ мир и милость сердцем умиленным/ страждущим явил еси,/ яко учитель веры и страж неусыпный/ паству российскую жезлом правости сохранил еси./ Сего ради дерзновение ко Христу Богу имея,/ моли даровати Церкви утверждение/ и душам нашим спасение.

На утрени

**На Бог Господь: тропарь святителя, дважды.
Слава, и ныне, Богородичен.**

По 1-м стихословии седален, глас 8:

Ныне радуется душа твоя, святителю Филарете, Господу предстоящи,/ облече бо тя в ризу спасения,/ и яко жениху возложи ти венец,/ и яко нее весту украси тя добродетелей красотою,/ темже моли спастися всем нам.

Слава, и ныне, Богородичен:

О Тебе радуется, Благодатная, всякая тварь,/ Ангельский собор и человеческий род,/ освященный храм и раю словесный,/ девственная похвало,/ из Неяже Бог воплотися и Младенец бысть прежде век сый Бог наш:/ ложесна бо Твоя Престол сотвори и чрево Твое пространнее Небес содела./ О Тебе радуется, Благодатная, всякая тварь, слава Тебе.

По 2-м стихословии седален, глас 3:

Измлада велию любовь стяжал еси к Богу,/ и сила Божия в немощи плоти твоя совершился, святителю Филарете,/ егда ниву Земли Русския ралом Божественных словес возделал еси,/ ныне же, яко время жатвы прииде,/ испроси нам у Бога велию милость.

Слава, и ныне, Богородичен:

Божественная скиния была еси Слова,/ едина Пречистая Мати Дево,/ чистотою Ангелы превозшедшая,/ мене, паче всех персть бывша и осквернена плотскими прегрешеньми,/ очисти молитв Твоих водами,/ подающи, Чистая, велию милость.

По полиелеи седален, глас 4:

От юности руку возложь на рало Христово,/ поты и слезами многими сердце добре угробил еси,/ клас духовный серпом смирения пожал еси/ и, плод сторичный собрав,/ пищею духовною тысящи насытил еси./ Сподоби и нас ея причастниками быти, празднующих любовь святую память твою.

Слава, и ныне, Богородичен:

О Всепетая Мати!/ Усты святых прославленная,/ псалмы духовными воспетая,/ имены таинственными нареченная,/ приими от нас грешных, вопиющих Ти, Архангелов глас:/ радуйся, Благодатная, Господь с Тобою.

Степенна, 11-й антифон 4-го гласа.

Прокимен, глас 4: Благовестих правду в церкви велицей. *Стих:* Уста праведнаго каплют премудрость, и язык его возглаголет суд.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.